

J A D D U S

T R A G Æ D I A

C O N T U C C I I C O N T U C C I

S O C I E T A T I S J E S U

H A B I T A

A

S E M I N A R I I R O M A N I

C O N V I C T O R I B U S

A N N O M D C C X X X.

C U M

C L E M E N T I X I I .

P. O. M.

O L I M E J U S D E M S E M I N A R I I C O N V I C T O R I  
S U P R E M U M D I G N I T A T I S F A S T I G I U M  
O b s e q u e n t i s s i m è g r a t u l a r e n t u r .

R O M Æ , M D C C X X X .

T y p i s A n t o n i i d e R u b e i s , è F o r o R o t u n d æ i n v i a  
a d S e m i n a r i u m R o m a n u m .

---

S U P E R I O R U M P E R M I S S U .





**CLEMENS XII PONT. MAX.**  
*Olim Seminarij Romani conuictor.*  
*Girolamo Frezza scul Romæ con lu. de. se.*



# CLEMENTI XII.

P. O. M.

CONVICTORES SEMINARIJ ROMANI  
FELICITATEM.



*Atere BEATISSIME PATER,  
ut ad commune gau-  
dium, quò tibi delatum Ecclesia Principa-  
tum omnes gratulantur, nostra quoque la-*

titia fiat, & gratulationis accessio, quam  
si pridem erumpere gestientem continui-  
mus in animo; nè serò tamen prodi-  
re quisquam putet, Tibi debemus. Cùm  
enim in omni rectè factorum genere Te  
ipsum amuleris, atque ità vincas, ut no-  
vus quotidie, quòd Te ipso major, im-  
perium capere videaris; illud certè om-  
nibus in tam nova semper gratulationis  
materia prestitisti; nè quisquam Tecum  
serò gratularetur. Quam tam egregiam  
virtutum tuarum copiam cùm taciti ad-  
miraremur; ità tanto tuo bono delecta-  
bamus, ut ex eo aliquid decerpi, & in  
nostrum etiam commodum redundare  
videretur. Memineramus enim, Te in  
hac domo, cùm non minus atate, quàm  
virtutibus adolesceres, ità vixisse, ut  
jam tum, quantus vir evasurus esses,  
omnes facile presagirent. Quod cùm &  
ad ornamentum nobis, & ad latitiam  
præclarissimum accidisset; gestiebat ani-  
mus, aliquo certe debito obsequii genere  
beneficium hoc tuum prædicare; sed illud  
nobi

nobis timori fuit , nè qui tam faciles ad  
Te aditus omnibus præbes , unis tuis lau-  
dibus aditum præcluderes . Itaque opti-  
mum factu arbitrati sumus , si egregium  
aliquem ex Judaicis annalibus Pontifi-  
cem seligeremus , in quem ità inspiceres ,  
ut virtutes, & laudes tuas tanquam alie-  
nas laudare modestia quoque Tua posset ,  
quas si tamen omnes intelligent tuas esse,  
noli BEATISSIME PATER repugnare ; nè dùm  
tuis adversaris , alienas deterere videar-  
is . Cæpisti Tu quidem fructum virtu-  
tum tuarum maximum , cùm effectum  
est , ut tantum omnibus imperio præsta-  
res ; quantum virtute præstitisti . Cæpi-  
mus earum & nos mirificum sanè fru-  
ctum , cùm te in omni ætate absolutissi-  
mum omnibus ad imitandum exemplar  
præbuissti , in quod dùm quotidie intue-  
mur , curamusque , ut moribus Tuis vi-  
vamus , excipe , BEATISSIME PATER , provo-  
lutos ad pedes Tuos , & quâ soles clemen-  
tiâ , tueare .

# CAROLUS STORANUS SOC. JESU

*In Provincia Romana Præpositus Provincialis.*

**C**UM Drama, cui titulus *Jaddus* à P. Contuccio Contucci nostræ Societatis Sacerdote conscriptum, aliquot ejusdem Societatis Theologi recognoverint, & in lucem edi posse probaverint, potestate nobis à R. P. Francisco Retz Præposito Generali, ad id tradita, facultatem concedimus, ut typis mandetur, si ita iis, ad quos pertinet videbitur. In quorum fidem has litteras, manu nostra subscriptas, & Sigillo nostro munitas dedimus.

Romæ die 2. Decembris 1730.

*Carolus Storanus.*

---

*I M P R I M A T U R,*

Si videbitur Reverendis. P. Mag. Sacri Palatii Apost.

*N. Baccarius Ep. Bojan. Vicefg.*

---

**J**ADDUM R. P. Contuccii Contucci Soc. Jesu Tragediam Jussu Reverendissimi Patris Sacri Palatii Apostolici Magistri attentè legi, typisque vulgandam censeo: Nihil enim quod morum honestati, aut Fidei Dogmatibus adversetur inveni; Quin imò Fabulæ texturam, styli candorem, Sententiarum ornatum, totum denique opus veteri Argumento, nova Allegoria, Actoribus, & Authore dignum existimo. Romæ Kal. Decemb. MDCCXXX.

*Michael Joseph Morei.*

---

*I M P R I M A T U R.*

Fr. Joachim Pucci Sac. Th. Mag. & Socius Reverendissimi  
P. Sac. Pal. Apost. Magistri Ord. Præd.

Ar-



## Argumentum.

**J** Addus Oniæ Pater Summus Hierosolymis Sacerdos Alexandro Macedonia Regi Annonam, & auxilia petenti negavit id sibi per Fœdus licere, quod cum Dario Persarum Rege pepigerat. Darium Alexander apud Granicum, & Issum paulò ante vicerat; & eo tempore Tyrum obsidebat, quâ capta cum iratus contra Jaddum Castra movisset; Pontifex à Deo in somnis admonitus obviam Regi extra Urbem cum Sacerdotibus processit, cujus aspectu ita mutatus Alexander est, ut ad ejus se pedes venerabundus projiceret. Parmenoni causam quærenti respondit Alexander, se, cum in Macedonia de bello Persis inferendo cogitaret, vidiſſe quemdam in somnis eodem, quo Jaddus erat, vestitu, & ornatu, qui bellum hujusmodi prospere cessurum ope sua prædiceret. Itaque Beneficii memor veniam Jaddo, libertatem, & munera concessit, & in Templo victimas Deo obtulit, quem sibi apparuisse opinabatur.

Sanaballathus genere Cuthæus missus Satrapes in Samariam à Dario Persarum Rege ante Bellum Macedonicum Filiam Manaſſi Jaddi fratri in Matrimonio collocaverat, & ad Alexandrum à Dario deficiens, obtinuerat ab eodem, ut in Monte Garizim Templum construeretur, & ejusdem Summus Sacerdos Manaſſes inauguraretur ad infirmandas Judæorum vires. Joseph Antiquit. Judaic. lib. 11. cap. 8.

# A C T O R E S.

JADDUS Summus Sacerdos .	HYERONIMUS CA: CHERANO ex Comitibus de Ofasco, Accademia Redivivorum Princeps .
ALEXANDER Macedo- niæ Rex .	D. JACOBUS Marchio CA- RACCIOLI ex Ducibus Martinæ .
ONIA Jaddi Filius .	ALEXANDER Comes SPA- DA .
MANASSES Jaddi Frater .	D. PHILIPPUS ALOYSIUS Eques CARACCIOLI ex Principibus de Sanctobo- no .
JAIRUS Manassis Filius .	D. CONSTANTIUS CA- RACCIOLI ex Principi- bus de Sanctobono .
SANABALLATHUS Manaf- fis Socer .	PETRUS FRANCISCUS Marchio GRIMALDI .
PHANUEL Sacerdos Jad- di administer .	D. JOSEPH SPINELLI ex Marchionibus Fusaldi, & Principibus S. Archangeli .
PARMENO Alexandri Le- gatus .	D. MARTINUS Abbas, & Eques CARACCIOLI ex Ducibus Martinæ, Accade- micus in Litteris .

*Scena Hierosolymis extra arcem .*

ACTUS

# ACTUS PRIMUS.

## SCENA PRIMA.

*Sanaballathus, Manaſſes.*

*Sana.* **J** Am læta Terris exerit lucem dies,  
 Votiſque pulſâ nocte præcidit moras,  
 Quâ merita capias Regna; Solymæque arbiter  
 Sacris verendas infulis veles comas.  
 Regnabis: alta cùm Tyrus ſtaret, ſtetit  
 Fortuna fratris: victa ſuccubuit Tyrus,  
 Fraterque. Muros Macedo jam vertit ſolo:  
 Cecidere Turres; ater it Cœlo vapor;  
 Victorque Gazam miles incenſam rapit.  
 Id tenuit unum Fata.

*Man.* Quid, focer, jubes,  
 Fatis id imputare, quod munus tuum eſt?  
 Te ſtamus uno: quòd faves, fatum puto.  
 Te nota virtus, notus & Regis favor  
 Almæ Sionis arbitrum, & Jaddi facit.

*Sana.* Quin ira Regis. Ardet inſolito impotens  
 Furore Macedo; priſca quòd Jaddi fides  
 Hæret Dario, ſpernit irati minas  
 Macedonis; huic & Perſidem præfert ſenex.  
 Nunquàm reſedit Regibus inultus dolor.  
 Quæcumque Sidon nupèr, aut Tyrus tulit,  
 Manent Jaddum: Fratris in Jaddi domum  
 Clades per omnes, & per everſam Tyrum  
 Pellæa favit ira. Nec medium dies  
 Tenebit orbem; Macedo cùm Solymam petet;  
 Ferroque muros franget, & Jaddum metu.  
 Adero: Furenti notus adjiciam faces.

*Man.* Sperare certa tribuis; at metus ſubeſt.  
 Propior periclo; magna momento levi  
 Cùm nixa ſpes eſt.

B

*Sana.*

*Sana.* Opibus accrescet meis.

*Man.* Muros coronat civis.

*Sana.* Exarmat metus.

*Man.* At suspicax Jaddus.

*Sana.* At fidit tibi.

Grassare fraude : tectus inolefcet dolus.

*Man.* Præi : sequar per omne non timidus nefas.

*Sana.* Quæcumque contrâ pugnet ; expediam viam ;

## SCENA SECUNDA.

*Jaddus, Manasses, Phanuel.*

*Jad.* **P**hanuel, ad aras omnis in Templum ocyùs  
Coeat Sacerdos.

*Pba.* Jussa non moror tua.

*Jad.* Quo summa rerum stet loco, Frater vides ;  
Trepidum per omnes æstuat vulgus vias ;  
Siletque luctu triste ; nec satis tacet ;  
Stupor ipse loquitur. Frater i ; curis modum  
Impone Populi.

*Man.* Tanta quæ pavidam lues  
Invasit urbem ?

*Jad.* Regis adventum timet.

*Man.* Auget timore Turba, quod pavet, malum.

*Jad.* Ut ima fundo maria cùm vertit Notus ;  
Non una Pelagi est forma, nec dispar tamen ;  
Sed acta cæcis fluctibus spumant vada ;  
Stridetque turbo : trepida non iram capit,  
Quâ fertur, unda : sic stupor, luctus, pavor  
Populi pererrat ora. Vidi postibus  
Cùm mæsta sacris Turba flieret Virginum ;  
Passioque matres crine palmas tenderent  
Gemitu ejulantes misero, & illuvie obsitæ.  
Commotus horruit animus ; & unus tuli,  
Quidquid futuri Solyma præsentit mali.

*Man.* Immota subitus pectora ita flexit dolor !

*Jad.*

*Jad.* Natis quod ægrè est, Frater; id Patri dolet.  
 Cùm sceptrâ cæpi patria; cùm primùm sacer  
 Caput hoc thiaras ambiit; Patrem prius,  
 Quàm me Sioni credidi Regem datum.

*Man.* At jussâ facies Regis, & natos Pater,  
 Datamque prodes Perfidis Regi Fidem?

*Jad.* Nec jussâ Regis facio; nec muto fidem.  
 Dolemus; at non scelere redimitur dolor.  
 Egò' ut resolvam jura, quæ pepigi prius;  
 Et me Darius hoste nullum pejeret,  
 Inesse Cœlo Numen, aut Solymæ fidem?  
 Non ulla tanti Regna. Vos ò parcite  
 Lacrymæ meorum; Tuque non felix Sion.  
 Invitus ista video, sed patiar, mala.  
 Me dura poscunt Fata, me Fides mori  
 Jubet? Feremus: esse si felix vetor;  
 At non & expers sceleris: id victor dabit.

*Man.* Meliora spero.

*Jad.* Nec, Fides si postulet,  
 Pejora metuo.

*Man.* Quicquid incumbet mali,  
 Tecum subibo.

*Jad.* Frontis inest Jubar  
 Cruore Luna: nesciat Cœlum dies;  
 Chaosque Tellus regerat æternum prius;  
 Quàm sancta violem jura, vel fallam metu;  
 Properate Cives arma: Tu ferrum cape;  
 Solymamque serva Frater; atque urbi excuba.  
 Me cura Templi poscit; & Sion vocat.

*Man.* Ibo: superbas Regis ulciscar minas:  
 Nec arma metuo; sæpè non forti manu  
 Potentiorum cecidit afflictus furor.

*Jad.* Te, summa Cœli Tempia qui colis, Deus,  
 Idemque Solymæ, Numen æternum precor:  
 Si dura propius arma; si mæstas vides  
 Lacrymas tuorum; sancta dum colitur Fides;  
 Tuere Cives, oro; nam potes, Pater;

Voles & idem: merita meminimus tua;  
 Et quos vocatus ante dispuleris metus.  
 Nec ulla faciunt arma, quæ tamen paro,  
 Aut miles animos: certa tu fessis ades  
 Tutela rebus.

*Man.* Nuncius Regis subit.

## SCENA TERTIA.

*Jaddus, Manasses, Parmeno.*

*Jad.* **E**ffare, quid fers Parmeno.

*Par.* Regis minas.

*Jad.* Audita narras.

*Par.* Sed brevi quæ detonent  
 In te Sionis proditor.

*Jad.* Pati queo.

*Par.* Movet arma Macedo victor, & portis adest.

*Jad.* Adibo.

*Par.* Vanis precibus.

*Jad.* Haud preces paro.

*Par.* Confise frustra mænibus bellum paras?

Paret cruento Græcia solo procubans;  
 Frænumque cepit Assur, & supplex Cilix;  
 Tenditque Regi Persa Pellæo manus;  
 Postquàm cruore tumidus attollit vadum  
 Granicus, amne Persidem & pigro extulit.  
 Quæ sit minacis ira, quæ virtus ducis;  
 Eoa novit Terra, quique altum Tygrin,  
 Tanaimque potant; quotquot & Cœlo redux  
 Ubique Titan lustrat, aut cadens videt.  
 Qui nescit; hunc & urbium aggestus cinis,  
 Docetque Sidon, columen & Tyrus tuium:  
 Aliena metue pericula; cavebis tua.  
 Quicquid propinquum est; cecidit.

*Jad.* At stabit Sion.

*Par.* Quæ vana robur adjicit fiducia?

*Jad.*

*Jad.* Tu militi me fidere, & muris putas :  
 Caduca remur ista : spes major mihi  
 Attollit animos, Gentis exemplum meæ.  
 Videre Patres trepidam Erythræo Pharum  
 Pelago natantem ; versa cū retrò vada  
 Raperent superbos ; at dehiscens pendulis  
 Præberet æquor hinc, & indè fluctibus  
 Populo viam.

*Par.* Fatemur ; at patuit mare  
 Fugæ tuorum.

*Jad.* Duxit ad Regnum fuga.  
 Nec arma si contulimus ; & abiret dies  
 Brevior triumpho ; piguit imperio ducis  
 Parère Cœlum : stante Sol hæsit rotâ :  
 Tardumque labi stupuit occasus diem.

*Par.* Brevem dolebas ante ; breviorẽ voles  
 Hodiè diem ; cū capta versis mænibus  
 Fumabit igne Civitas.

*Jad.* Muros Syrus  
 Hos antè cinxit ; una nox lætho dedit.  
 Vincimus utrâque, Parmeno, Solis vice.

*Par.* Ut incitatâ Fulmen è Cœlo venit  
 Præceps ruina ; talis in Solymam ruit,  
 Jadde, Macedo : cæde vastabit domos :  
 Volabit ater urbis in Cœlum vapor.  
 Fer arma contra, ductor ; atque educ viros :  
 Viros in arma poscimus.

*Jad.* Quæris viros ?  
 Fœminea tumidum stravit Holophernem manus ;  
 Jæle Syfaras occidit, vir Fœmina.

*Par.* Præterita memoras : facta qui Patrūm malò,  
 Quod instat, objicit ; is malò addit dedecus.

*Jad.* Est, qui timori consulat præsens Deus :  
 Nec facta recolo tumidus, at gratus Patrūm :  
 Cui thure fumat ara, quem sacro Sion  
 Veneratur igne, stare cui Templum vides ;  
 Hæc ille gessit ; ille tutatur suos :

14 ACTUS PRIMUS.

*Par.* Fidis Dario, video; sed victus jacet.

*Jad.* At non & isti federis victa est fides.

*Par.* Ardebit igne Solyma, si pergis, tuo.

*Jad.* Scelere peribit Solyma, nō pergam, meo.

*Par.* Pietas tuorum, si qua Te tangit, tuos  
Solare.

*Jad.* Suades crimen; ut fiam pius.

*Par.* Mentis superbæ contumax pœnas dabis.

*Jad.* Et morte nobis potior; & vitâ est Fides.

Depone tumida corda: quī Solymam tegat,  
Deum voco.

*Par.* Quī puniat, Regem voco.

SCENA QUARTA.

*Manasses, Jairus.*

*Man.* **G**ratate Patrī Nate.

*Jair.* Nām tantus modō

Cūm quatiat Urbem Turbo; quid grater Pater?

*Man.* Alios Procella mergit, eadem alios vehit.

Omitte curas: sæpè, quæ terrent, juvant.

*Jair.* Patruī quīeta Regna depulso metu

Futura, quī nunc turbat; id dicis scio,

Gratorque Genitor.

*Man.* Sceptra quid Genitor tuus

Hæc si teneret?

*Jair.* Quædō, quæ Patruus tenet!

*Man.* Mihi paret uni Solyma.

*Jair.* Quid Patruus?

*Man.* Jubet;

Solymamque tradit.

*Jair.* Nempe tutandam, Pater.

*Man.* Quī dederit arma; plura quāam volet, dabit.



SCENA QUINTA.

*Onia, Jairus.*

*Onia.* Sollicita quæ Te cura plus æquo premit?  
Vives: minaci turbo, qui Cœlo tonat,  
In me recumbet: vulgus exterret pavor:  
Ego poscor unus.

*Jair.* Ecquod, ut vivam, nefas  
Tantum recæpi!

*Onia.* Macedo non odit satis.

*Jair.* Ego moriendo sorte defungar tuâ.

*Onia.* Genitus Jaddo non es.

*Jair.* Id prodest mihi,  
Ut moriar unus.

*Onia.* Unus ut moriar, mihi  
Id antè profuit. Quid aufers, quod dedit  
Mihi ira Regis?

*Jair.* Reddo, quod mavult amor.

*Onia.* Permite, Frater, Regè me irato frui.

*Jair.* Amore regis frui, Frater, & meo.

*Onia.* Si diligis me; vive.

*Jair.* Me superstitem,  
Ut videat unquam Solyma! Tantum non amo.  
Non sum reus; fateris: infontem tamèn  
Cur luce damnas! Victor id nondùm jubet;  
Odisse nec Rex Macedo me tantum volet.

*Onia.* At vive pro me.

*Jair.* Præeo, vel sequar comes.  
Si diligis me; patere, pro Te me mori.  
Pro Te superbum supplicis ritu ducem  
Ocyus adibo: genibus advolvam feris:  
Preces profundam: spero: si Regem prece  
Non flecto; telis obvium pectus feram:  
Iram invocabo: lucrum id erit; primus cadam.

*Onia.* Cur vocibus me, Frater, exanimas tuis!

Tu sceptrâ tractes nostrâ ; tu sospes domo  
 Fruare patriâ . Parte , quâ volui , mihi  
 Vivam superstes . Jam vale ; lacrymis memor  
 Aliquando cineres sparge fraternis meos :  
 Omitte fletum : causâ quæ luctum novat !

*Jair.* Utrumque doleo ; nec innocens letho cadam ;  
 Nec innocens superero .

*Onia.* Tu neutrum time .

*Jair.* Ego prodidi Te , Frater , & Patrum .

*Onia.* Tace .

Quid hæc profari turbidus cogit dolor ?

*Jair.* Timeo .

*Onia.* Sionis cura Te movet ; scio .

*Jair.* Lætitiâ potiùs . . . Plura me loqui pudor ,  
 Dolorque prohibet .

*Onia.* Verba perplexè jadis .

Regemne metuis ? Quid taces ?

*Jair.* Lætum Patrem .

*Onia.* Spe fruitur , hostes arma posituros brevi .

*Jair.* Id credo , Frater ; Solyma sed paret Patri .

*Onia.* Custos superbâs hostium franget minas .

*Jair.* Nec Parmeno quiescet .

*Onia.* An quicquam modo

A' Patre metuis civibus ?

*Jair.* Pietas vetat .

*Onia.* Quid ista faris ergo ?

*Jair.* Nam Fides jubet .

*Onia.* Anceps trahit me cura : quid faciam ?

*Jair.* Cave .

FINIS ACTUS PRIMI .

ACTUS

## ACTUS SECUNDUS.

## SCENA PRIMA.

*Sanaballathus, Parmeno.*

*Par.* **C**Edetnè Regi Solyma?  
*Sana.* Cedet, Parmeno.  
 Obire muros nuper ut cæpit Gener;  
 Cum data potestas Urbis, & Vigilum fuit;  
 Adeunt frequentes miles, & mixti duces,  
 Nixique clypeis fronte dejectâ stupent.  
 Talem decebat urbe jam captâ modum  
 Civibus inesse: voce castigat Gener;  
 Et trepida mulcet corda; clam metum fovet.  
 Conspirat unâ Turba, quam pridem meis  
 Opibus coegi. Miles ægrescit metu;  
 Majorque castra turbat, & muros lues.  
*Par.* Nec Jaddus animos firmat, & notâ senis.  
 Virtute nomen?

*Sana.* Excidit Jaddus metu:  
 Milesque solùm meminit, & Civis sui.  
 Quod imperitum vulgus oppressit mali,  
 Duci refertur: Fraudis authorem vocant;  
 Odere pervicacis & Jaddi fidem.  
 Priora multos odia, quos læsit senex,  
 Acuunt in omne facinus: erumpit diù  
 Compressa gravius ira. Quos fidos seni  
 Præsensit, alio cautus avertit Gener;  
 Aditusque turmis aliquot insedit meis.  
 Reliquos amorè cæpit, incautos dolo;  
 Quòcumque dubios malit, impellet citò.

*Par.* Te dona meritis paria, quæ poscis, manent;  
 Tuumque Generum: juro Pellæam fidem,  
 Per & verendum gentibus Regis caput,  
 Et si revulsos Macedo malit aggeres

In-

Intrare victor ; quâ vocas , patentibus  
 Muris subibit ultor : introitum para ,  
 Quicumque placeat : Ultio properet gradum ;  
 Virtus recede Regis . Ut Jaddus cadat ;  
 Tanti est , ita ingredi .  
*Sana.* Sed effert hûc gradum  
 Gener .

## SCENA SECUNDA.

*Manasses , Sanaballathus , Parmeno .*

*Par.* Sionis columen , & Princeps ades .  
*Man.* Ut sit tua Solyma prius , id studeo .  
*Par.* Tibi  
 Solymæa reddam sceptrâ . Quò sequar , doce .  
*Man.* Quâ Solyma propius aspicit natum diem ;  
 Turrisque valli fracta subjectæ imminet ;  
 Angusta muro Porta declivi latet ,  
 Remota , & omni fraudis aspectu carens .  
 Hic jam meorum fida subsedit manus .  
 Hûc tacita subeat , Macedo cum veniet , cohors :  
 Patebit ultrò Porta : gradientes teget ,  
 Quæ tortuoso vallis accumbit jugo .  
*Sana.* Quid reliqua Vigilum statio ?  
*Man.* Muros occupat  
 Placata Regi : precibus orant clam duces ;  
 Regnum capeßam , Regis & jussa exequar .  
 Consilia nec dum tacita mente explico :  
 Simulare certum est .  
*Sana.* Perge ; succedet dolus .  
*Par.* Rectè est .  
*Man.* Abite : nostra colloquia expetit  
 Jaddus ; hujus obsidem natum paro  
 Tradere Macedoni . Mæstus accedit senex .

## SCENA TERTIA.

*Jaddus, Manasses.*

*Jad.* Disposita, Frater, statio portis assidet,  
Aditusque creber servat, & munit vigil?

*Man.* Parata, Princeps, omnia. Excubitor vias,  
Et omne muri columen armatus tenet.  
Pellæa franges castra, nè dubita, morâ;  
Ultorque ferro sanguinem inimicum hauries.  
Juga Tu Sionis serva: ego Solymam tegam.  
Per hoc cruenta Macedo vel pectus prius  
Exiget adaucta tela, quàm muros pede  
Tangat superbo.

*Jad.* Miles an fidit satis?

*Man.* In omne Martis imminet periculum;  
Sed dubius errat animus.

*Jad.* Extimuit, scio;  
Nec causa virès addit, & præsens Dei  
Tutela?

*Man.* Causæ miles attendit parùm;  
Dubiamque potiùs prospicit bellì aleam:  
Et ira turbat. Video; succensent tibi.

*Jad.* Quid est?

*Man.* Parùm est.

*Jad.* Effare; quod petunt, ferent.

*Man.* Nec Regis implacabiles iras putant;  
Nec Te tuis consulere: quam præstas fidem,  
Probant; at illam cæde nè luant suâ,  
Id extiment Jadde; dùm parcis tuis.  
Nūm Regis, ajunt, pectus incensum parat  
Mollire precibus? Natus en domi sedet;  
In omne dùm nos pugna discrimen vocat.  
Nunc Castra si Precator accedet tuus  
Pellæa natus; robur adjicies tuis;  
Odiisque Régem miles, & ferro petet;

Si

Si Macedo pugnet : forsan & flectes prece ;  
Finemque cædi natus , & bello dabit .

*Jad.* Non ulla natum tardat , aut preces mora ;  
Si sic odia dirimimus , & pacem queam  
Precibus pacisci : fædus at mecum volet  
Inire Macedo , meque composito simul  
Bello Darium persequi . Id vector fide .

*Man.* Quin perge ; præsta Persidi pactam fidem .  
Testare tantum sacra , per quæ foederis  
Fidem obligaris ; Marte cum nondum suo  
Instreperet Asiæ Macedo , quas & fallere  
Nefas hominibus , conscias aras voca .  
Regi placebit animus , & constans Fides .  
Si quid supererit , natus evincet prece .  
Obsequia bellis sæpè posuerunt modum .

*Jad.* Quod præcipis , faciam . Aliquis natum evocet .

*Man.* Nec abire natum , Frater , & charum caput  
In aperta mitti bella , quam durum Patri ,  
Non video .

*Jad.* Men' refugere , si quicquam pati  
Et me , meosque publica monuerit salus ?  
Utinam cruore , Solyma , Te redimam meo !  
Caput hoc petatur : omnium obiero vices .

## SCENA QUARTA.

*Jaddus , Manassés , Onia , Phanuel .*

*Jad.* **A** Dire Castra , Nate , Te Regis volo .

*Onia.* Pareo .

*Jad.* Labore disce jam Puer tuo  
Servire Patriæ : Solyma Te spectat : Ducem  
Aggredere precibus ; flecte furiales minas .

*Man.* Dum nos paramus arma ; Tu pugna prece .

*Jad.* Te cura Muri revocat hinc , Frater ; redi .

*Onia.* Imperia Genitor nulla remorabor tua ;  
Sed nè domi quid sceleris accrescat , vide .

*Jad.*

*Jad.* Frater cavebit.

*Onia.* Arma cui credis, Pater?

*Jad.* Commissa Fratri.

*Onia.* Metuo.

*Jad.* Tu Patrum times?

*Onia.* Fratri, Pater, tu fidis?

*Jad.* An cuiquam magis

Æquum est? avita sanguinis jungit Fides.

*Onia.* Ambitio sæpè sanguinis damnat Fidem.

*Jad.* Qui facile vitium credit alterius, suum  
Fatetur.

*Onia.* Index criminis rarò latet:

Exquire: peccat æqua, qui credit nihil.

*Jad.* Tu Regis ora metuis, & moras trahis.

*Onia.* Eo Genitor; nec ora me Regis movent.

Vis, morte Patriæ sanciam pacem meâ?

Moriar: Furenti solus occurram Duci?

Pugnabo: causæ fido.

*Jad.* Degenerem, Puer,

Virtute tali nulla te arguerit dies.

Sed fare, quid de Fratre suboleat meo.

Audire vanos malo, quàm veros parùm

Metus cavere.

*Pha.* Rector ò Solymæ potens,

In hostis, oro, Numen avertat caput,

Si delitet quid sceleris; at nati metu

Exanimor ipse; fateor, & vanum puto.

Sed Frater unâ tacita cum socero tuus

Consilia miscet: Parmeno frequens adest;

Te fugere sensi: Fratris aut socero tui,

Aut nuncio quid ipse Regis fidere

Valeas, tacebo: ne quid obturbent; cave.

*Jad.* Quid hoc? recæptum manibus serpit nefas!

Timere cogor dubia; nè veris premar.

Tu summe Cœli Rector, infusâ diem

Qui luce retegis; si quid occultum latet;

Aperi, precamur: crimen authorem petat.

Obi-

Obire muros jubeo Te, Phanuel; adi  
Vigiles; & omne cautus alloquium aucupa.  
Est & meorum fida, quam nosti, manus.  
Hæc urbis aditus lustret, & vias frequens  
Extrâ recurset ... Nate tu mecum Duci  
Referenda disce dicta. Sed Fratris prius  
Retegatur animus. Consilia dabit dies.

*FINIS ACTUS SECUNDI.*



# ACTUS TERTIUS.

## SCENA PRIMA.

*Manasses, Jairus.*

*Jair.* **R** Etine ruentem, quæso.

*Man.* Quid fletu Patrem  
Turbare pergis?

*Jair.* Castra tam certo metu  
Onia Regis adeat! Id pateris Pater!

*Man.* Id Solyma poscit.

*Jair.* Solyma pugnaces manus,  
Non verba quærit.

*Man.* Precibus armatur puer,  
Qui nescit arma.

*Jair.* Precibus armeris Pater,  
Qui bella nosti: Castra Tu Regis subi:  
Utrinque vinctes, precibus, & ferro Ducem

*Man.* Me cura poscit alia. Fortunam tuam  
Tu discere ferre.

*Jair.* Fata, quæ Fratrem manent,  
Ea ferre didici.

*Man.* Discere dominari tuis.

*Jair.* Nequeo, Genitor: id Frater eripuit mihi:  
Habeatque solus: una mors capiet duos.

*Man.* Si sceptrum renuis, servies.

*Jair.* Regnum feram.

*Man.* Et vincla ferre poteris, & Regno exui;  
Captusque servos inter, & Graios agi?

*Jair.* Pro Fratre possum Genitor, & Fratris loco.

*Man.* Non sic: Oniam tale jam fatum manet.

Præiere Puerum literæ; & Regem docent.

*Jair.* Nam qui nefas hoc audet in fratris caput?

*Man.* Sic jubeo.

*Jair.* Genitor, oro.

*Man;*

*Man.* Te invitum brevi

Regnare cogam... Frater adventat; Tace.

## SCENA SECUNDA.

*Jaddus, Onia, Manasses, Jairus.*

*Man.* **N**Ec Onia Regem placat; & Solymæ diem  
Extrahit, Jadde?

*Jad.* Mitto.

*Onia.* Non moror.

*Jair.* Tuum

In castra natum Patruæ!

*Man.* Civium salus

Ita postulat;

*Jad.* Sionis & cogor metu.

*Jair.* Timere Cives dicis? Adjiciet tuis

Onia præsens robur: id notus pudor,

Virtusque Nati spondet.

*Man.* Ad Regem pudor

Pueri valebit.

*Jair.* Regis ad Patrem minæ

Valeant quoque. Tui Patruæ non Nati salus,

Amorque fleclit ullus? In medios ages

Hostes Oniam, Genitor? Id volet Sion!

*Jad.* Me plus meorum cura, quàm nati movet.

Quid Jaire times?

*Jair.* Dura præfagit timor

Nescio quis animo fata; præfagit tamèn.

*Man.* Quid non taces! Onia, nè Regem time:

Si præstat armis hostis; at constat fide.

Virtute pacem, spero, restitues tuâ.

*Onia.* Quà Scythicus axe torpet hiberno dies;

Quà torret Afros Phæbus; in apertam necem;

Per & arma promptus ibo; dùm prosum meis.

*Man.* Onia, stirpem, sceptrâ quam deceant, probas;

Uttere tuâ virtute... Tu vecors times.

*Jair.*

*Jair.* Ego metuo Pater! Est animus & par mihi;  
Est sanguis intrâ pectus; ut prosum meis.  
Ego Regem adibo, Patruc.

*Jad.* Non sinet Pater.

*Jair.* Jubeto: Fratrem triste si nihil manet;  
Securus adeo: Fratris aut moriar loco.

*Man.* Quò pergis ultrâ nate!

*Onla.* Non patiar, meos  
Te ferre casus.

*Jair.* Hostis in nostrum caput  
Minus potest peccare.

*Onla.* Peccarem in tuum  
Ego gravius caput.

*Jair.* Ut obeam pro Te, meum est.

*Onla.* Ego poscor.

*Jair.* Hæres sceptrâ tu Patria obtine;  
Tua jura Regni.

*Onla.* Jura me Regni monent,  
Ut omne primus occupem periculum.

*Jair.* Omitte.

*Onla.* Cessa.

*Jair.* Morte regnabis meâ.

*Onla.* Servit, suorum cæde qui Regnum tenet.

*Man.* Impone studiis Frater insanis modum.

*Jad.* Spes est; & ægro vita, quam nimium traho,  
Dulcescit animo; prisca dum virtus Patrûm  
Non omnis excidit. Quid, ô Pueri, apprecer  
Virtute prò tantâ; quid aut dignum Sion  
Vobis rependat! Pergite; & cæptis Patrûm  
Æquate nomen. Dubia mens hæret tamen;  
Quid faciam. Utrique faveo; sed causa est tua,  
Jaire, melior.

*Onla.* Quid incæptas Pater?

*Jad.* (Simulabo; tacitum Fratris ita crimen petam.)

*Man.* Consilia mutas Frater?

*Jad.* Id Solymæ petit  
Salus.

*Man.* Oniam Solyma sed petit tuum.

*Jad.* Imitare natum, Frater: an nato negas  
Solymæ salutem ferre?

*Man.* Tu præi tuo.

*Jair.* Eo, Patruæ.

*Man.* Quò Nate?

*Jad.* Tu Regem times!

Est acer armis Macedo; sed pius fide.

Restitue pacem, quæso, Manassès, tuis.

*Man.* Idcirco bellum tracto.

*Jad.* Cui bellum paras?

*Man.* Jubes Macedoni.

*Jad.* Solyma sed timet.

*Man.* Metum

Macedo facit.

*Jad.* Et intrà quod accrescit malum.

*Man.* Authore me non fiet.

*Jad.* Ut noceat magis;

Authore semper crimen occultum caret.

*Man.* Aperta loquere.

*Jad.* Labe cui pectus riget,

Perplexa, crimen verba quæ produnt, putat.

*Man.* Cui labe purus animus, & aperta autumat

Perplexa, vanum verba quæ fingunt nefas.

*Jad.* Testor verendi præsidem Templi Deum:

Occulta si quæ sceleris inolescit lues;

Latere frustrà tendis: à tergo Deus

Ultor sequetur.

*Man.* Nostra nùm dubia est fides?

*Jad.* Quid esse dubiam pateris?

*Man.* Idcirco caput

Oppono certæ, bella quam ferent, neci;

Ut timeat à me Solyma! Tu turbas tuos;

Et pertinaci mœnia revelles fide.

SCENA TERTIA.

*Jaddus, Manasses, Onia, Jairus, Phanuel.*

*Pba.* Adde, rebus Numen auxilio tuis  
Adest.

*Jad.* Quid affers?

*Pba.* Transfugam duro Sion  
Carcere tenet.

*Jad.* Ubi captus?

*Pba.* Ad Regem via  
Ducebat: hunc, obliqua dum propero gradu  
Itinera captat, fracta qua Turris diem  
Prospectat ortum, tenuit errantem manus.

*Man.* (Superi!)

*Pba.* Tuorum.

*Jad.* Civis, an peregrè satus?

*Pba.* Ignota capti forma.

*Jad.* Quid narrat?

*Pba.* Tacet.  
Inscripta Regi litera hæc sinu abdita  
Inventa tantum est.

*Man.* (Crimen in aperto est meum!)

*Jad.* Quis author? Hostes Solyma, non Cives parit!  
Prodor: latentem litera indicio reum  
Certo resignet.

*Man.* (Prodor; audebo tamen.)

*Jad.* *Solymæ Regi sceptræ Manasses suo...*  
Hæc auspicaris? Nocte nec subitâ dies  
Cœlo refugit! Nec solum claustris patet  
Erebi solutis! Pigra cessastis diu  
Fulmina; ferite: scelera quæ Cœlum petat,  
Cum nube sævit, vota si patitur tua!

*Man.* Illudor.

*Jad.* An te crimen illudit tuum?  
*Patebit ultro Solyma; sed Oniam tene;*

*A' Patre Sionis arce redimetur : veni .*

Hæc est Fides ? Hic urbis excubitor ! Sion ,  
Onia Regi , Solyma , Templum deditur !  
Hostem timebam . . . . Macedo parce ; debui  
Fratrem prius timere .

*Man.* Sed serò times .

Majora Macedo meruit . In Jaddum ocyùs  
Irruite socii .

*Jad.* Quisquis est Deum timens ;  
Petamus arcem .

*Ona.* Siste .

*Man.* Tu captus lues ,  
Onia , Patrem .

*Ona.* Proditor .

*Pha.* Captus Patrem ,  
Jaire , lues .

*Jair.* Pœna quæ Patrem luat !

FINIS ACTUS TERTII.

# ACTUS QUARTUS.

## SCENA PRIMA.

*Parmeno, Sanaballathus.*

*Par.* **A** Derit ; citato Macedo festinat gradu :  
*Sana.* At ut satis festinet ; id rogat Gener.  
*Par.* Quiesce ; mora periculo quævis caret :

*Sana.* Timere sensi.

*Par.* Serus à victis timor.

*Sana.* At cautus est.

*Par.* Quid ? Solyma turbas integrat ?

*Sana.* Abjecit arma miles, & ducum manus :

Consentit unâ Populus ; at Jaddi fuga

Genero timetur.

*Par.* Arce conclusum timet ?

*Sana.* Poterat capi.

*Par.* Laus Macedonem talis decet.

Fugam sibi, dum fugit, eripuit Senex.

Cælonè paria saxa sublimi jugo

Senem tuentur ; an profundum in Tartarum

Vallis dehiscens ? Æthna quâ flammis tonat ;

An quâ perenni Caucasus gelu riget ;

Jaddus arma quærit ; an Cœlo latet ?

Detrahet & altis abditum Macedo jugis,

Imâque Terrâ conditum ; & Cœlo eruet.

Dedatur ultrò Solyma ; virtuti Sion

Regis paratur.

## SCENA SECUNDA.

*Manasses, Sanaballathus, Parmeno.*

*Man.* **P** Armeno, Regem ocyùs  
 Hùc siste.

C 3

*Par.*

30 ACTUS QUARTUS.

*Par.* Mora nè noceat; id virtus tua  
Jàm præstitit.

*Man.* At urge.

*Par.* Parata te manent  
Præmia.

*Man.* Citato properet hùc Macedo gradu.

*Sana.* Aderit; timorem mitte.

*Man.* Præcipiti fugà

Ut Jaddus arcem tenuit; in medias agor  
Vigilum cohortes: narro, quos pepuli metus;  
Gratorque pacem: Vulgus instigat focer.  
Ut luce Terras orta cùm spargit dies;  
Fugère tenebræ; rebus & color redit:  
Aut ut furenti navita prehensus mari  
Dejecta tollit ora; cum Terras videt:  
Sic ægra luctu Civitas frontem exerit;  
Et stare tandem Solyma me viso putat.  
Circumstat avidum Vulgus, & læti duces;  
Plaudunt; sequuntur; senis & invisi caput  
Diris agunt, probrisque.

*Par.* Tuta nuncias.

*Man.* Tranquilla qui non metuit, afflixit ratem.

*Par.* Quid est, quod ultrà metuis?

*Man.* Ubi Populi prior

Fervor resedit; & quod est factum putant;  
Jaddus animo subiit: afflictum dolent;  
Miseret; amantque rursus: ora militum  
Mutata sensi: pudet; & in bellum volunt  
Iterùm relabi. Nunc quod ancipitem precor  
Te, Parmeno, per Urbis, & casum meum,  
Maturet arma Macedo.

*Par.* Prædico, brevi  
Hùc affuturum.

*Man.* Parmeno, Regi obviam

Procede; propera... Porta, quæ ducit Tyrum,  
Patebit: arcis cura me poscit. Socer  
Adesto; Tu, quæ Regis introitum decent,  
Exe-



Exequere. Mox ut Macedo veniet, obuius  
Prodibo.

# SCENA TERTIA.

*Manasses, Onia.*

*Onia.* Frustra refugis, & nostra abditus  
Alloquia vitas: Fruere vinculis meis;  
Animumque satia. Gaudio satis tuo  
Non video unus? Scelere vis toto frui?  
Cupis & Jaddum aspicere? Non totus latet:  
Natum intuerè; crimen utrumque aspicias.

*Man.* Hos captus animos!

*Onia.* Scelera quos adimunt tibi.

*Man.* Morieris.

*Onia.* In me scelere non alio potes:

Pius esse: Vitam, facere si cupis metum,  
Minare.

*Man.* Vives igitur; ut fias miser.

*Onia.* Miser esse, pectus labe cui caret, nequit.

*Man.* At nemo felix esse, qui servit, potest.

Adempta tandem Solyma, Regnum, Parens.

*Onia.* Afflicta Solyma, proditum Regnum, Parens  
Desertus: hæc memineris; & Regnum tene.

*Man.* Dùm Sceptra teneam; quolibet pretio placent.

*Onia.* Parata fraude Sceptra reciderunt brevi.

In Te caducum, fallor, an Regnum ruit!

Tremittique nutans Solyma communem trahens

Tecum ruinam! Trepida quid subito patent

Seculera Patrûum? Cinis & infusus levi

Se tollit aurâ! Fallor; an Manes migrant!

En nube Coelum fulmen iratâ quatit.

En & dehiscit Terra. Quò fugit dies!

Qui noctis ater Sydera revèlat vapor!

Superi; quid, oro! Fallor; an Mundus perit!

*Man.* Onia, nimius mente te movit dolor.

Quæ monstra narras?

*Onia.* Scelera quæ manent tua.

Insultet aris hostis, & sacrâ impotens  
Dominetur Urbe: non focus status cruor,  
Adepsque fumet; Victimæ at cæsus loco  
Cadat Sacerdos: Matribus mixtus Puer,  
Et virgo capta barbaras nurus ferat:  
Tu ductor arma suggeris, Patriæ faces;  
Nec ultor hæc respiciet è Coelo Deus?  
Erepta tracta Sceptra: Jam lævit manu  
In te cruentâ crimen, & flagrum quatit.

*Man.* Abi.

*Onia.* Fruare fraude.

*Man.* Te dedam neci.

*Onia.* Te puniendum crimini dedo tuo.

## SCENA QUARTA.

*Manasses,*

*Man.* **H** Orrore trepidat animus; & sceleris mei  
Objecta terret forma nolentem: Piget:  
Cupioque rursus: Quid metus mentem quatit?  
Quid ira flagrat! Sanguis at gelidus coit!  
Grave est, recepto crimini poenas dare.

## SCENA QUINTA.

*Manasses, Jairus.*

*Jair.* **G** Enitor resiste.

*Man.* Nate, quis reducem mihi

Te facit? Ades; & in Patris amplexum rus.

Quæ fratris ad nos iussa? Nùm fallis fugâ?

*Jair.* Nec Nuncius recurro; nec redii fugâ.

Dimisit ultrò Patruus: ajebat, Deo

Se fidere uni; pergerem, & liber metu

Ad

Ad te redirem. Quò, Pater, præceps ruis?  
Quid, oro, meruit Patruus? durus. (piget)  
Futurus augur rebus accedo tuis.  
Quæ nuper hausi dicta! Quæ vidi!

*Man.* Mane:

Quò Frater animo fata fert casus sui?  
Quid parat? An ore mæstus, & trepida stupet  
Attonitus arce?

*Jair.* Qui prior frontis tenor,  
Constansque vultus. Numine instinctum suo,  
Et altiore rebus humanis senem,  
Genitor, videres.

*Man.* Arcis an muros frequens  
Miles tuetur; spemque conciliat Sion  
Propè capta fratri?

*Jair.* Spem putas ferrum tuo,  
Murosque fratri facere. Vidi Porticum  
Templi per omnem, pace cèu parta, sacris  
Pendere muris arma. Sic Templo redux  
Patruus jubebat: scuta suffigit tholis,  
Gladiosque miles; nec timet inermis Sion.  
Exigua muros servat, & portas manus.

*Man.* Quid sperat; aut quæ bella depositis parat  
Jaddus armis?

*Jair.* Aliud armorum Genus;  
Nova forma belli. Te Parens oro; time:  
In arma superos vocat; & aris assidens  
Armat in Te precibus. His pugnat Senex,  
Vicitque: nec mens vana prælagit; Time.

*Man.* Quid? Ante pugnam vicit?

*Jair.* An dubitas Pater?  
Pugnavit, & Te vicit. In Templum ocyùs;  
Ut hinc refugit, mæstus accurrit Senex;  
Et jam cruore cæsa largo victima  
Imbuerat ignes: Patruus ardentes stetit  
Supplex ad aras: Placida consequitur quies,  
Soporque; si quies ea, aut sopor fuit,

At:

Attonita circum Turba stipabat senem;  
 Cum lætus ora Patruus attollens solo  
 Manus ad astra tendit; & lacrymis genas  
 Spargens seniles arma deponi jubet,  
 Metumque. Fidite, inquit, ò Socii; Frui  
 Jam pace fas est. Vicinus: Deus mihi  
 Adstitit ad aras, triste qui bellum procul  
 Abegit, & hæc docuit. O mecum Sion,  
 Grates repende debitas; cæsos focis  
 Impone Tauros. Me jubet Regi obviam  
 Prodire numen. Ibo: Vos festis comas,  
 Murosque fertis cingite, & mecum simul  
 Proдите; cum Rex veniet.

*Man.* Hæc finxit Senex.

Commenta facile credit, ubi profunt, timor.

*Jair.* Ostenta somnus obtulit! Vidi Patei,  
 Hæc cum referret Patruus: Insolitus decor  
 Eluxit ore; major & solitâ fuit  
 Figura formæ visa. Nè vānum puta,  
 Prodesse tibi quod creditum brevi potest.  
 Tenes; Jaddi quanta sit virtus: Vides;  
 Quid moliare. Genitor, ita prodis tuos,  
 Solymamque, nosque barbaro subdis jugo;  
 Nec dura cohibes cæpta; nec Deum times!

*Man.* Superi; quid oro? Natus, an nato mihi  
 Numen ministro loquitur? Exanimor metu.

*Jair.* Per has ego lacrymas, per & Jaddum precor,  
 Per si quid in me dulce, vel charum fuit;  
 Quò tendis ultra! Siste propositum nefas;  
 Placare fratri: Pronus ad veniam Senex.

*Man.* Quid faciam! Utrunque pugno... Placabor Seni?  
 Macedo minatur. Fratris in cædem ruo?  
 Parata poena est: Ultor insequitur Deus.  
 Æstuo; Sed alea facta. Quò rapior miser!  
 Quod spontè cæptum est crimen, invitum trahit.

... FINIS ACTUS QUARTI.

ACTUS

# ACTUS QUINTUS.

## SCENA PRIMA.

*Alexander, Parmeno.*

*Alex.* **S** Atis triumpho Solyma, vindictæ parùm  
Patuit meorum; spontè quos aditus dedit,  
Quæsisse mallet: flamma, quæ ferrum nequit,  
Traheret ruinam. Pigra quid cessat manus?  
Ardeo furore, Parmeno; cædem volo.  
Age; ultioni redde præreptum locum.

*Par.* Quod occupavit Solyma, restituet Sion.  
Digressus à Te Castra Manasses jugo  
Disponit arcis: miles hanc vallat tuus.  
Exequere cladem Macedo: quæ muros premet,  
Eadem ruina dedet & Jaddum neci.

*Alex.* Me pertinax Jaddus, & foedus meum  
Fidens Dario spreverit! Cessit potens  
Regnator Asiæ; Thessalum cessit solum,  
Et Graja virtus: Quicquid indomitum prius  
Natura, celsis ars & imposuit jugis  
Cecidit, & imo victor æquavi solo.  
Senex resistit unus: eripiam quoque  
Cœlo latentem. Capta nec bello prius  
Urbs ulla me tam juvit; insidiis patens  
Quàm Solyma: Tædet fraudis, at moras nequit  
Vindicta ferre.

*Par.* Macedo, Manassî refer,  
Si tua, quod optas, ira non sentit moram.  
Per hunc tibi Solyma patet; Is Jaddum manu  
Pepulit in arcem.

*Alex.* Mentis ô custos meæ,  
Parmeno, quid hoc, quod pectus exagitat meum?  
Piget fateri.

*Par.* Fare.

*Alex.* Non solitus premit

*Nec-*

Nescio, quīs animum terror: & furor calet;  
 Nec Jaddus ullum fecit, aut Sion metum.  
 Ex quo sed urbis attigi captæ solum;  
 Infusus horror, qualis intrantem solet  
 Lucos Deorum capere, me tacitus tenet:  
 Repugno; sed me contumax vincit malum.

*Par.* Te ludit ira; pectus & variè trahit:  
 Inane sperne forsā expertus malum.

*Alex.* Olim paterno simile quid tuli solo.  
 Meditabar animo, Persidem bello sequi;  
 Curisque mens undabat: oppressit sopor.  
 Cū dormienti major humanā mihi  
 Objecta forma est: vade, quod bellum paras;  
 Aggredere; Persis, inquit, & Tellus tibi  
 Eoa cedit: adero pugnanti: meis  
 Nocere ne quid; Macedo, te moneat; cave.  
 Circūstet me subitus, ut vidi, tremor;  
 Similisque, quo nunc tenor, invasit stupor.  
 Geniūne credam Parmenō, an Solymæ Deos  
 Turbare mentem?

*Par.* Tempa, quæ latis vides:  
 Porticibus, accola credit indigetem Deum  
 Habitare; sacris Populus hunc patriis colit;  
 Stataque rite victimas aris frequens  
 Infert Sacerdos: Præsudet Templo Senex  
 Jaddus, & sacra præt; huic fidit Deo:  
 At dexteræ tu fide, Rex hominum, tuæ.

*Alex.* Pugnabo, & aris victimam imponam senem.

## SCENA SECUNDA.

*Alexander, Manasses, Parmeno.*

*Man.* **M**acedo, Sionem legio jam fossis tua,  
 Valloque cingit: cum voles; bello pete:  
 Et infrequens hanc miles, & fractus metu  
 Jaddus intrā servat. Ut præsit tuis  
 Socerum reliqui. Signa sed in arcem prius,  
 Quam

Quàm Macedo moveas ; parte , quâ potuit capi,  
Dedam senem : vocatus hûc jussu meo  
Aderit Onia . Pignus at fidei meæ ,  
Et obsidem Rex interim natum cape .  
Te duce labores , Macedo , militiæ Puer  
Discat , tibi que serviat .

*Alex.* Meritis brevi  
Præmia feretis paria . Tu fidem Puer  
Imitare Patris .

*Jair.* Quò Patrum virtus præit ;  
Impavidus ibo .

### SCENA TERTIA.

*Alexander , Manasses , Onia , Jairus , Parmeno .*

*Man.* **M**acedo , natus en tibi  
Adest Jaddi : viva casuri senis  
Fer ante pugnam spolia : captivum Gregem  
Sequatur ; aut si malit ulcisci tuus  
Se furor ; in uno , quos petas , geminos habes .

*Onia.* Mortem minaris ? Obvium caput fero :  
Reclude ferro pectus ; & per hoc latus  
Adigatur ensis , Macedo , quo cadet Pater .

*Jair.* Quid Onia , Macedo , meruit ?

*Man.* Insanus tace .

*Onia.* Extrema si quid vota morituri valent ;  
Id oro tantum ; morte contentus meâ  
Miserere Patris victor , & fessu senis  
Ignosce capiti .

*Jair.* Parce , Te precor , Patri ,  
Natoque Rex .

*Man.* Utrumque Rex dedas neci .

*Par.* Meruere .

*Onia.* Spero : Numen afflictis adest .  
Tantum , minarum si quid in geminos cadit ,  
Defungar unus .

*Jair.* Morte te sequar meâ .

*Man;*

*Man.* Quid Onia speras ?

*Onia.* Criminis poenas tui

Te redditurum ;

*Alex.* Me Sion pridem vocat :

Eatur : in te poena statuatur brevi.

## SCENA QUARTA.

*Alexander, Manaſſes, Onia, Jair, Sanaball, Parmeno.*

*Sana.* **M** Acedo.

*Alex.* Quid ore trepidus attonito ſupes ?

*Sana.* Jaddus ad Te properat.

*Alex.* An puduit fugæ ?

*Sana.* Per media lætus Caſtra ſecuro gradu

Te quærit ultrò.

*Man.* Quid parat ?

*Jair.* Dudum, Pater,

Prædixeram.

*Par.* Te precibus obteſtans Senex

Se dedet.

*Alex.* Aures precibus obſtruxit furor.

Properet ; & ultrò mortis eripiat moram.

*Sana.* Aderat in armis miles ; & jugis ſedens

Arcem obſidebat legio : cum ſubito graves

Patuere Portæ. Prodiſt albatuſ Senex,

Albique Proceres : qualis ad Feſtum diem

Venire gaudet ; talis in medios frequens

Ibat Sacerdos : Fronde velabant comas

Revinctâ ſerta : non manum ferri rigor,

Latuſvè cingit ullus. Extemplò tua

Siluire Caſtra : mutua refleſcunt metu

In ſe ora vigiles. Quà Senex ibat ; loco

Decedit omnis legio : ſtat clypeum tenens

Haſtæque nixus miles, & trepidus ſupet.

*Jair.* Spera.

*Onia.* Patrem reſpexit è Cœlo ſalus.

*Man.* Nec arma miles ſtrinxit, & Jaddum tenet.

*Sana.*



*Sana.* Me quoque, furore percitus licet senem  
Diripere vellem, subitus oppressit stupor.  
Aliquid fuisse crede, quod Turmis metum  
Fecerit; an alacris subita majestas senis!  
Numennè turbans Castra! Quod potui, prior  
Macedo cucurri Nuncium apportans tibi.

*Alex.* At non inanis me quoque capiet stupor.

Duc, age.

*Sana.* Resiste... Quem petis, senex venit.

## SCENA QUINTA, ET ULTIMA.

*Jaddus, Alexander, & reliqui.*

*Jad.* A Des Pelasgi magne Dominator soli.

*Alex.* Quem video! nova quæ monstra!

*Man.* Rex capi jube.

*Alex.* Jadde, pronus pedibus advolvor tuis.

*Man.* Rex, oro.

*Par.* Macedo!

*Jad.* Numen, hoc erat; Duci

Quòd me volebas obvium! Afflictos levas.

*Alex.* Numen, Sacerdos, placat iratos idem.

Vive; & Sionis arce prospiciens tuos

Fruare Regno: Solyma sit potens; metu,

Et hoste careat; Te Sion felix duce

Regum potentes frenet, & subigat minas,

Pacemque Populis reddat. At si quid potest

Accrescere Solymæ, vel id Sion petit,

Majora Jadde rebus adjiciam tuis.

*Jad.* Rex lætiora reddidit favor tuus,

Quæ teneo sceptrum.

*Par.* Macedo, quis tantam modus.

Reflexit iram?

*Alex.* Veste velatum pari

Nocturna nobis obtulit Deum quies.

Is erat, paternâ quem prius vidi domo.

Talis verendum cidaris ornabat caput;

Talisque, memini, fluxit ad pedes chlamys;

In-

Incessus idem. Persidem is pridem mihi  
 Cessuram, & Asiæ Regna domituum Deus  
 Prædixit ultrò. Spero, quæ restant: Deum  
 Adoro, cujus nomen inscriptum refert;  
 Et Te, supernas qui geris Dei vices,  
 Jadde, veneror.

*Jad.* Perge: Quòd Solymæ faves;  
 Te facilis alto spectat è Cœlo Deus.  
 Vinces; & anni quâ vagus Rector premit  
 In ora septem Nilus errantes aquas:  
 Rubroque præceps Tygris invehitur mari;  
 Quâ mollis Indus amne Gemmifero sonat;  
 Potière Regno. Vera cecinerunt Dei  
 Responso vates; novit & Cyrus prior;  
 Asiæ Pelasgum Regna domituum Ducem.  
 Tu Grajus Asiam victor Imperio reges.  
 Equidem sciebam; pacta sed Regi fides  
 Junxit Dario; vetuit & bellum sequi.

*Alex.* Eterna tecum, Jadde, me junget Fides.

*Jad.* Accede Nate.

*Onia.* Genitor, in Patrios libens

Sinus recurro. Genitor en reddor tibi.

*Jad.* Utrumque Solymæ, Nate, restituit Deus.

*Alex.* Adimite Puero vincla. Vos vestro modò  
 Parete Regi.

*Sana.* Vincimur.

*Man.* Dedo manus.

*Onia.* Ignosce Genitor.

*Jair.* Patruè nè sævi.

*Jad.* Tibi

Jaire Patrem restituo; Patruum tibi,  
 Onia. Pœnâ quos scelus punit suâ,  
 Sanare veniâ malo.

*Alex.* Nunc, oro, Pater,

In Tempa ducas. Victimâs feram Deo.

*Jad.* Eamus: aris meritis exundet cruor.

Ut sceptrâ teneas; disce famulari Deo.

FINIS ACTUS QUINTI, ET ULTIMI.